

Llefaru 26 neu iau



## **Fy Mro**

(Llanefydd)

Gwilym Morris

Rwy'n caru mro!  
Ei charu â rhyw angerdd sydd  
tu hwnt i'm gallu i'w egluro'n iawn.  
Ni fathwyd geiriau ddadansodda'r dwfn  
deimladau greddfod sydd yn rhan o'm bod.

Rwy'n caru mro!  
Ei hamherffeithrwydd a'i gwendidau oll,  
fel caraf ei chadernid a'i ffyddlondeb hi.  
Ai am mai yma magwyd fi  
y teimlaf hyn?  
A roddwyd rhyw ledrithiol aerwy arnaf gynt  
pan sugnais ym mhlentynodod faeth o fron  
y glòs gymdeithas a'm cofleidiai'n dynn?  
Nis gwn,  
ond gwn mai yma mae nedwyddwch i yn llawn,  
mai yma dof agosaf eto Ef.

Rwy'n caru mro!  
Rwy'n rhan ohoni hi.  
O'i phridd y crëwyd priddyn fy modolaeth frau;  
ac ni ddymunwn ddim yn fwy na hyn,  
sef cael, pan ddêl fy nhymor yma i ben  
ddychwelyd nôl – i freichiau'r fam  
a threulio tragwyddoldeb yno'n un â hi.